

廣元遺山年譜

敘

元遺山年譜者吾友李君恢垣之所作也何以謂之  
廣翁覃溪氏先爲此譜李君曰吾廣之云爾遜辭也李  
君又告余曰吾書異於翁氏書者詳考地理爾余謂此  
李君書所以善也夫讀遺山詩文辭章之學也爲之年  
譜則史學也史學豈可不明地理哉李君明地理故於  
元兵伐金所至之地瞭如指掌由是遺山奔走流寓之  
地皆瞭如指掌而凡遺山之詩文皆可因其地而知其  
時遺山詩千三百六十一首李君考得時地者千二百

七十九首其不可知者八十二首而已李君生於遺山  
五百餘年後而於遺山一生所作幾盡知其年月遺山  
有靈亦當爲之驚且喜者矣翁氏於史學地理實非所  
長其書疏誤實多李君書實勝翁氏然雖駁正翁氏而  
不曰刊誤不曰糾繆而猶爲遜辭記曰博學以知服言  
不以己之博學凌跨前賢也余尤樂揭而出之以爲著  
書者法同治五年二月陳澧序

自敘

廣者何廣翁覃溪閣學元遺山年譜而作也先生以幽并雄才際金源阨運瀾翻溟渤氣挾風雲虞揭藉其先聲蘇黃資其後勁讀其詩者烏可無譜獨是交城初刻未揆麟經北平再編仍留鼠璞遂使廬山真面埋沒雲煙爲可惜也閒嘗取先生文集讀之見其流移所寓道里所經以月繫年以人繫地始知先生年譜自作已竟而謠謠慷慨唱吟遙俯卽境見心標旨斯在爰乃以文爲經以詩爲緯考之輿圖以求其蹤跡博之史集以証

其交游郭公夏五疑則必刊亥豕魯魚謬惟是正凡編入者千二百餘篇外存者八十有二首而後先生行止有可觀焉蓋嘗論之髫冠學詩編搜未廣自丙子避兵間關南渡契闊鋒鏑之會崎嶇播越之辰寄八口則鵲借誰依求一官則鴻風屢逆於是營田昆水干祿梁園悲零落於爨琴歎蘊隆而輟耒茫茫大地孑孑孤身馮雷把袂閒賦於登高楊趙懷恩終傷於感士此崧山之詩爲一境也曲水登科蓬壺待詔辭京華之苜蓿趨幕府之芙蓉內鄉就官南陽理劇折腰有陶潛之興傷肌

深元結之思鳴求鶴和則契重苔岑哀聽鴻嗷又心驚  
芻牧未免懷慚貍特辛苦酒漿三仕三已微慍於子文  
一官一集待編於元禮此鄧州之詩爲一境也郎署旣  
遷絲綸是掌鯤鵬擊水虎豹在關遂乃弩集金門塵飛  
玉輦曹社之鬼謀先兆秦庭之士哭無聞旣狼狽於圍  
城復倉皇於喋血餽俛而從西帥縛束而就南冠陸機  
入洛故國寧論孝穆留齊生還莫必聊城二載冠氏四  
年河山生玉馬之悲荆棘隕銅駝之泣感今追昔踟地  
踏天此則庾蘭成之去國絕望江南王仲宣之登樓傷

心荆楚集中之作斯爲最焉此東州之詩又一境也已  
亥還鄉幸完家室託遺編於腐史蔚重望於靈光守先  
人讀書之廬作諸侯高匠之客大抵流連觴榼奔走風  
塵酬應之作旣多哀感之音遂尠詩窮後工靡援斯例  
此回忻之詩又一境也綜茲數變足概平生會而悟之  
貫而通之若網在綱有條不紊矣昔放翁論譜歛袂蘇  
詩興祖編年遺珠韓集僕以何人敢希斯業顧以先生  
自紀之年編先生已成之作事半功倍較易古人是役  
也始參翁譜復得施箋美乃兼收疑仍共訂非抗前賢

以爭勝俾知作者之有真尙有崇山墜簡俟諸李善之  
箋惟期雌蜺連蜺不誤休文之賦後之讀先生集者得  
有所攷云爾同治五年三月番禺李光廷序



廣元遺山年譜卷上

番禺李光廷恢垣編次

金章宗明昌元年庚戌

月日生

元郝經

名伯常陵川人先生弟子

所作墓碣先生諱好

問字裕之太原秀容人系出拓跋魏故姓元氏

鄉郡雜詩

註余家自五代而後自汝州遷平定宋末又自平定遷於忻州故文字中以平定爲鄉郡翁譜宋末謂靖康也按集中多稱新興元某記則新興卽其邑名曾大父椿忠顯校尉隰州

團練使大父滋善儒林郎銅山府君父格顯武將軍

鳳翔路第九處正將兼行隴城縣令騎都尉河南縣

開國男食邑三百戶妣河南縣太君張氏 南冠錄

引予始生之七月出繼隴城府君 靜樂詩鈔遺山

詩後世系畧銅山府君生三子長德明別號東岩嘗

讀書東山福田之精舍

翁譜繫舟山在今忻州南三十里趙秉文詩山頭佛屋雨

三間山勢相連石嶺關名字不經從我改便稱元子讀書山即集中所稱也

累舉不第以

詩酒自適先生貴後贈中順大夫此所謂東岩府君

也次格官陵川令

案隴城先任掖縣次官冀州次調中都次任陵川次官洛陽次官隴

城此之所稱以遺山貴贈明威將軍此所謂隴城府

君也季升字德清以兄蔭補承奉班無子

承奉河南元公墓銘

以從孫好謙之子搏奉其後按此語不亮  
當云姪好謙之子搏以從孫奉其後乃合德明生三  
子長好古字敏之沒於貞祐二年元兵屠城之禍次  
好謙字益之次卽先生出繼隴城府君以上皆據翁譜爲  
第四女配壻祭廟文云敢告於顯伯考贈中順大夫  
東岩府君顯妣河南郡太君王氏顯考廣威隴城  
府君顯妣河南縣太君張氏按王氏先生之本生母  
卽敏之兄墓銘所稱太夫人年在喜懼者也後不從  
先生沒不知其處當從益之張氏先生之繼母卽故  
物譜所稱貞祐丙子之兵余將奉先夫人南渡者也

後卒於內鄉歸葬於新興 又按先生之親屬曰姪  
搏者益之之子出繼承奉君北渡後相失回鄉後依  
先生曰姪一飛者當是敏之之子北渡後一得安信  
後不知其處曰姪孫伯安者不知何人之孫則從先  
生至南冠錄引所云付文嚴以備遺忘應是字訛否  
則文嚴不知何人又有小功兄寂然時爲黃冠亦見  
集中 南冠錄引先祖銅山府君正隆二年贈出身  
正大之末吾家食先朝祿七十餘年矣

二年辛亥

二歲

三年壬子

三歲

四年癸丑

四歲 南冠錄引予自四歲讀書

五年甲寅

五歲 濟南行記予兒時從先隴城府君官掖縣嘗  
過濟南按乙未濟南詩云四十二年彈指過逆溯當  
在是年

六年乙卯

六歲

承安元年丙辰

七歲 古意詩七歲入小學 郝碣云七歲能詩太

原王湯臣稱爲神童

二年丁巳

八歲 南冠錄引八歲學作詩

三年戊午

九歲

四年己未

十歲

五年庚申

十一歲

郝碣從父官於冀州路宣叔

名鐸冀州人  
官翰林侍制

金史  
有傳

賞其俊爽教之爲文

泰和元年辛酉

十二歲

是年隴城調官中都

二年壬戌

十三歲

是年趙秉文遷翰林院修撰

翁譜○秉文  
字周臣號閑

開磁州滏陽人登大定二十五年進士第金史有傳

十月十日翰林修撰王

庭筠卒

翁譜○庭筠字子端益州熊岳人買田隆慮自號黃華山人金史文藝傳

按此并

未識面無容書其卒然先生遊黃華詩云黃花山水天下絕我初聞之雪溪翁卽其人也先生於癸丑爲作墓碑姑附仕履以備考

三年癸亥

十四歲 郝先生墓銘云泰和初先人調官中都某

甫成童習舉業思所以引而致之者謀諸親舊皆曰  
獲澤風土完厚爲子求師莫此爲宜於是先人乃就



陵川之選時鄉先生郝君

名天挺字晉卿見金史隱逸傳

方教授縣

庠某從之學又中州集郝天挺小傳云好問十四歲先人令陵川時從之學是年在陵川自後始有行蹤可記

四年甲子

十五歲

通真子墓碣先君令陵川子甫成童

續

夷堅志先人宰陵川泰和甲子元夕縣學燒燈有以杏棣棠折枝爲剪綵花者燈罷家人乞供於縣署佛屋中四月上七先夫人焚誦次乃見杏棠皆作花真

贗相間先人會賓示之以爲文字之祥爲賦瑞花詩

予年十五矣

翁譜

張彥寶陵川西溪圖詩云不到西

溪四十年註陵川先君舊怡宴游西溪僕以童子侍

焉詩作於癸丑逆溯在是年 是年在陵川

五年乙丑

十六歲 父東岩府君卒按中州集兄敏之小傳諱

好古年二十就科舉時先東岩府君已捐館太夫人

年在喜懼望其立門戶甚切云云則東岩之歿當在

是年

翁譜。案金史文藝傳東岩卒時年四十九

赴試并州道逢捕雁

者云今日獲一雁殺之矣其脫網者悲鳴不能去竟

自投於地予因買得葬於汾水之上累石爲誌名曰

雁邱作雁邱詞翁譜未註所出是年赴試并州仍回陵川

六年丙寅是年蒙古鐵木真卽皇帝位上尊號曰成吉思皇帝是爲太祖元年

十七歲是年隴城罷陵川任先生仍留陵川

七年丁卯

十八歲天慶觀記予嬰年先大父挈之游四方年

十八乃一歸此當是歸娶南冠錄引十八歲先府君教

之民政是年歸新興仍回陵川

附錄

七夕

七絕

酴醾

七絕續編

詩枕幃餘韻最清真是

少時作

八年戊辰

十九歲

學於郝天挺六年而業成

翁譜

郝先生墓

銘先人既罷官留事先生又二年然後歸

初發潞

州

七絕

詩潞州住久似并州身去心留不自由白堦亭

亭三十里漳河東畔幾回頭詩始見此按金史地志

河東南路澤州貞祐四年隸潞州縣陵川則陵川當

屬潞州然先生實由潞州回蓋距陵川不遠時至此

也陵川無漳河又集中多潞府詩自由此六年中常

至故習熟如此

集中分體故編是年之詩必小註五古七絕字以備易檢其引証之詩不

註

是年由陵川歸新興

辨正

玉溪

絕七

註端氏按金史地志端氏隸澤州詩

自當編入潞州然首二句云邂逅詩翁得勝游煙霞

直欲盡崧邱則明是崧山時詩而詩翁則王德新也

以趙士表圖詩核之亦合

又新樂府水調歌頭註云賦德新王丈

玉溪在崧高費庄註端氏二字是張頤齋誤註

衛紹王大安元年己巳

二十歲 古意詩二十學業成隨計入咸秦 送秦

中諸人引予二十許時先人官洛陽以秋試留長安

八九月 天門引樂府是試秦不遇詩 夢歸五古續編詩

長安佳麗地遊子自枯槁 蛟龍引樂府詩云古劍咸

陽墓中得 隋故宮行樂府 兩山行記云先東岩君

生平愛鳳凰山然竟不一到予二十許時自燕都試

乃與客登南樓此代州南樓也按辛丑代州南樓詩

云東洛西秦往復回幾番風雨與塵埃家山最與南

樓近三十三年恰再來此正指赴洛陽試長安事而

燕試則誤也蓋先生後此嘗燕試故大畧憶之而誤  
記於此卽所云二十許亦大略之詞証以古意詩斯  
得之耳 是年至洛陽赴長安試不遇復回新興往  
游代州 程女生郝誌女五  
人長日真按示程孫詩云生女四  
十年又云明年吾六十逆溯當在是年

附錄

梁父吟

五絕

解劒行

樂府

此皆少時詩附此

長安少年行

樂府

二年庚午

蒙古太祖五年是年與金絕

二十一歲

續夷堅志予年二十一侍先人官隴城

施箋○  
屬鳳翔

南冠錄引大安庚午府君卒護喪還鄉時

年二十有一

趙秉文改平定州刺史

翁譜

是年至

隴城丁府君憂護喪歸葬於新興

三年辛未

二十二歲

辨正 按兩山行記云予自燕都試當在此一二年  
間出都詩云漢宮曾動伯鸞歌事去英雄不奈何是  
曾至燕也以元夕詩推之當在二年之交

崇慶元年壬申



二十三歲

元夕

七絕續編

詩青衫驄馬踏東風是在燕

作又云二十三年似夢中 是年及去年皆家居中

至燕試

附錄

古意二首

五古

詩無避亂意當在燕試不遇後

作 出京

七絕

詩春風不剪垂楊斷繫盡行人北望心

北望指燕京

辨正 案翁譜是年麻徵君九疇卒年五十此語大

誤金史隱逸傳麻九疇字知幾易州人是卽一人也

中州集作莫州人

後癸未始至鄆城見麻知幾豈能再生而

前後兩引失不檢矣翁或以知幾與麻信之革認爲一人不知信之虞鄉人正大丁未始聚於內鄉與知幾毫無相涉且是時均未識面又何必書其卒耶

至甯元年癸酉胡沙虎弑衛紹王立昇王珣九月以後爲貞祐元年

二十四歲 趙秉文轉翰林院直學士

翁譜

按元史

太祖紀是年秋分兵三道命王子术赤察合台窩闊台爲右軍循太行而南取保遂安肅安定邢洛磁相衛輝懷孟掠澤潞遼沁平陽太原吉陽拔汾石嵐忻

代武等州而還是由太行之東而南復循太行之西而北也皇弟哈撒兒等爲左軍取薊州平灤遼西諸郡帝與皇子拖雷爲中軍取雄霸莫安河間滄景獻深祁蠡冀恩濮開滑博濟泰安濟南濱隸益都淄濰登萊沂等郡復命木華黎攻密州屠之是山東河北河東俱無完土金只存燕京矣而在是年與集中不合是年家居

二年甲戌夏五月金主珣徙都汴秋七月蒙古復圍燕

集中南渡指此

二十五歲 南冠錄引因循二三年中原被兵避寇

秀容陽曲之間歲無甯居

翁譜編入乙亥然實合數年而言按史宜編此年

兄好古卒敏之兄墓銘云歿於貞祐二年三月北

兵屠城之禍年二十九 十七史蒙求序始吾二十

餘歲時住太原學舍交城吳君庭秀泊其弟庭俊與

予結夏課於由義西齋嘗以所撰蒙求見示後三十

七年

序作於庚戌  
逆溯是此年

因得而序之

天井關詩二十年

前走大梁當時塵土困名場 答聰上人書僕自貞

祐南渡時犬馬之齒二十有五遂登楊趙之門所交

如辛敬之雷希顏王仲澤李欽叔皆天下之選

楊名雲翼

字之美樂平人官至禮部尙書兼侍讀金史有傳辛名愿福昌人父遷女几自號女几山人金史隱逸傳雷名淵渾源人官至翰林修撰金史有傳王名渥太原人官至權右司郎中金史附色埒傳李名獻能趙郡人官至權陝西行省左石嶺關書所見

七律詩連

營突騎紅塵暗微服行人細路高是來汴時路關屬

秀容

過井陘

七古

是年春避兵夏回鄉復往汴京

辨正

敏之墓銘三月屠城之禍元史詳於去年而

是年三月金主以衛王女與蒙古和則屠城一舉與

集不合又曲阜紀行詩云誰言甲戌亂煨燼入炎燎

明著其年似屬史誤竊嘗推之元史所舉自合用兵  
始末而言爲地旣多未必去年卽能盡撤則金主說  
和之時濟南及忻州尙在焚掠及和事定然後歸故  
三月尙屠城也又案金宣宗紀是年正月大元兵徇  
懷州則三月屠忻州信矣 答聰上人書李欽叔翁  
譜作麻知幾誤

附錄 避兵陽曲北山之羊谷題石龕

七絕

三年乙亥五月中都留守完顏承暉自殺

此據綱目及金史元史作

福興蒙古遂入燕焚宮室月餘不滅

二十六歲

梁園春五首

樂府

註市駕還汴京後作按

金史宣宗紀二年七月至南京

雜詩六首道中作

七絕詩隆州兵騎往來衝是汴試後由潞州回也金史

地志潞州宋隆德府故曰隆州來時取道太行之東

歸時取道太行之西末首云徒步歸來亦可憐是塵

土困名塲意

是年春在汴試不遇夏由潞州回新

興

附錄

畫馬爲邢將軍賦

七古

詩并州父老應相望早

晚旌旗上太行是南渡後望王師之救并州當在汴

作 將上書莘國幕府寄懷呈賈明府

七律。○胥鼎代州繁時人

金史有傳

按胥鼎傳開府平陽始於貞祐元年此是同時

欲上書而未果也

過晉陽故城書事

七古

陽興砦

五律註由州入府避兵奪馬者多由此路

四年丙子

二十七歲

金史宣宗紀四年二月甲申朔大元兵

圍太原

故物譜貞祐丙子之兵藏書壁間得存子

將奉先夫人南渡河舉而付之太原親舊家其餘雜書及先人手寫春秋三史莊子文選之等尙千餘冊



并畫百軸載二鹿車自隨是歲寓居三鄉其十月北

兵破潼關避於女几之三潭夏五月南渡河道出

虞坂屬虞鄉作虞坂行七古虞卿麻長官名平甫成趣園

二首五古詩王官唐以還王官卽虞鄉詩題卿字是鄉

字之訛三鄉雜詩三首七絕詩夢寐滄洲爛漫游是

初到秋間作八月并州雁五律註三鄉時作詩南來

還北去無計得隨君永甯南原秋望七律詩烽火苦

教鄉信斷龍門雜詩二首五古詩不見木庵師名性英字

粹此木庵初交也龍門屬洛陽地又云學詩二十年

自八歲學詩至此二十年 張伯英墓銘貞祐丙子

予自太原南渡故人劉昂霄景元愛伯英介予與之

交因得過其家登樂壽堂飲酒賦詩伯英名邦傑後

改天和孫氏雄州容城人居洛陽四世矣 洛陽古

城曦陽門早出

五律

詩荒村自雞犬前路足豺狼天地

憐飄泊干戈憶閉藏 女几山避兵送李長源歸闕

中

七古。李汾平晉人依恆山公武仙署行省講議爲其下所害金史隱逸傳

落魄

五律

詩雨聲孤館夜草色故園秋行役魚鱗尾歸期鳥白

頭 老樹

五律

詩干戈正飄忽不用苦思家 懷益之

兄

七律

註時在閩鄉詩三年句指甲戌三詩是避兵後

作

市隱齋記貞祐丙子十二月日

是年春避兵

夏渡河寓居三鄉秋至洛陽冬避兵女几兵退復回

三鄉

女几屬福昌三鄉在永甯

附錄

愚軒爲趙宜之賦

七古。宜之名元定襄人官鞏西簿未幾失明往來

洛西

繼愚軒和党承旨

党名懷英字世傑奉符人官翰林承旨諡文獻金史文藝

傳

雪詩四首

五古續編

興定元年丁丑

二十八歲

春日

七律

詩南州剩有還鄉伴戎馬何時

廣元遺山年譜

卷上

古

道路清

論詩三十首

七絕

註丁丑三鄉作

勝槩

五律

註三鄉作

三鄉時作

七絕

步虛詞三首

七絕

註後二

首三鄉作

閑閑公贊興定初某始以詩文見

秋

日載酒光武廟

七律續編

廟在三鄉

錦機引興定丁丑

予閒居汜南十一月日河東元某題

鈞州道中

七絕

詩何時北闕請長纓金地志南京路鈞州縣二陽翟

新鄭

陽翟道中

五律

詩故園歸未得細問北來鴻

叔承奉君升卒承奉墓銘云貞祐丙子避居崧山明年卒道路阻絕未卜歸葬遂爲南遷第一祖矣是

年仍居三鄉赴汴京試不遇回寓汜南家仍居三鄉

附錄

雜著五首

五古 集陶

詩守拙歸田園

雜詩四

首

五古

采杞

五古

萬化若大路

五古

秋風怨

樂府

孤

劍詠

樂府

并州少年行

樂府 續編

以上皆不遇詩

洧川

曲

樂府

文湖州草蟲爲劉使君賦

七絕

和德新丈

七絕

續編。王著一名革臨濟人

詩二年老眼暗兵塵

二年戊寅

二十九歲

張君

仲經父

銘云二十年間案張卒於承

安四年銘當作於是年遷崧前時仲經居永甯也

示崔雷詩社諸人

七律

詩一寸名場心已灰十年長路

夢初回自己已試秦至此十年

題劉師立帖此詩

予初到崧山時見之

秋懷

七律

註崧山中作詩何時

石嶺關頭路一望家山眼暫明時未聞忻信

元史

秋八月蒙古木華黎自西京入河東克太原平陽及

忻代澤潞汾霍等州

鬱鬱

七律續編

詩并州近日風塵

惡悵望鄉書早晚回

九月晦日玉村道中

五律

詩隨

陽見鴻雁三歎惜淹留

光武臺

五古

在葉縣詩東南

地上游荆楚兵四衝按綱目去年金遣烏庫哩等南

侵本年宋李全却金兵於淮孟宗政破金兵於棗陽  
兵未息也下句游子十月來是此時事施箋以三鄉  
光武廟當之與首二句不合 雪後招鄰舍王子襄

飲

七古○子襄  
名贊登封人

此詩爲先生一關鍵其云去年春旱

百日強小麥半熟雨作霜多情青山不留客單衣北  
風官路長遺山山人技拙拙食貧口眾留他鄉五車  
載書不堪煮兩都覓官自取忙無端學術與時背如  
瞽失相徒偃偃此指去年不遇最爲明晰而未說移  
家也今年得田昆水陽積年勞苦似欲償則因家鄉

已失置田謀食自是此時實在情事下云宋公能詩

雅好客勸我移家來水旁

註宋可字與之按宋武陟人見金史隱逸傳

此

移家之眉目而題中子襄已稱鄰舍則先移登封又  
考之集中學東坡移居詩云舊隱崧山陽笋蕨豐饌  
餉乾坤雨茅舍氣壓華屋上是崧山之居家人聚處  
之地飲酒五首云西郊一畝宅閉門秋草深此則襄  
城之居先生營耕之地蓋自三鄉移崧邱於道爲近  
而置田昆陽離崧三百里故亦置宅以便往來卽後  
灣別業是也但不移家耳括地志昆陽在葉縣北二



十五里一統志在葉縣南晉屬襄城郡後不置應屬

葉縣

今葉縣北有昆陽城昆水

此後方城襄城詩皆由此起方

城道中懷山中幽居

五律

詩技拙違時用年饑與食謀

金史地志南京路裕州縣方城是年由三鄉移居

登封復往昆陽

附錄

春寒

七律

納涼張氏莊二首

七絕

詩絕似藜蒙

山下路眼中惟欠繫舟鬼

風雨停舟圖

七絕

畫圖喚

起扁舟夢一夜江聲撼客牀

辨正

題劉師立帖作於戊戌其云予初至崧山常

得見之又云後採訪一十年來東原乃見之王清卿  
家以十年逆溯當在下年己卯但是年實已移居登  
封其所謂初至者亦大畧之詞九日讀書山詩我在  
正大初作吏浙江邊其云初者乃在正大四年此卽  
其例也

三年己卯金築汴城京裏城

三十歲 後灣別業七律詩一飽本無華屋念百年今

見老農身時在山中寒食七律詩頻永崧山又一年

時回商正叔隴山行役圖二章七絕○正叔名道  
崧曹州濟陰人商衡

之詩隴水經行十過春指庚午 登封令薛侯頌名居

中字興定二年十月詔令登封明年邑人立石 薛

明府去思七首五絕 第三女阿秀生即郝碣所云次順早卒者孝

女阿秀墓銘興定己卯生於登封按此則第二女嚴

營生在前數年 是年春自昆陽同居登封

總錄 按先生自戊寅至丁亥居崧邱者前後十年

其辛巳以前皆未遇前詩今并其無年可編者并歸

於此特以類分焉 崧山玉鏡雜言詩不能生申與甫

瑞王國萬丈光芒徒爾為 山中晚春五絕 山居雜

詩六首

五絕

山居二首

七絕

溪上

七絕

詩好個山間林

下人

荊棘中杏花

七古

詩蒼苔濁酒同天涯

南溪

七古

秋蠶

七古

詩阿容阿章墨滿面按先生此時三女

兩已長成俱非此名或是小字

飲酒

七古

食榆莢

雜言

醉後

七律

茗飲

七律續編

蚤起

七絕

楊柳

七絕

春

夕

七絕

梅花

七絕

送窮

七絕

詩可能顏巷卜終焉以上

皆家居詩

箕山

五古屬登封

潁亭留別

五古

註同李治

仁卿

見下卷

張肅子敬

李治姪壻

王元亮子正

王粹北平人

賦

元魯縣琴臺

五古

在魯山縣

潁谷封人廟

五古

德禪

師清涼草堂

五古○在少室

按興福禪院功德記云予居崧

山往來清涼如吾家別業自是常到今記於其始

龍潭

五古

少室南原

五律

少林雨中

五律

潁亭

七律

梁縣道中

七絕

梁縣屬汝州

啟母石

七絕

在少室以上

皆游覽詩集中每題祇一首多不過二首自是初至

時詩

送詩人李正甫

五古

送郝講師往崇福宮

七古

詩崧高維岳古所秩

送秦畧簡夫歸蘇墳別業

七古

送曹吉甫兼及通甫

五律

寄答趙宜之兼簡溪南

詩老

七律

潁水崧山去住心

有寄

七律

詩南渡詩人

吾未老

寄答景元

劉昂霄  
陵川人  
兄律七

橫波亭

律七  
註爲

青口帥賦青口屬徐州此當與寄希顏詩同寄帥卽

移刺瑗先生未至徐州

寄辛老子

律七

寄英禪師

卽木庵

住龍門寶應寺

五古  
續編

詩註相和尚住清涼僧源

字濟甫宋州人慕容安行山陽人臨潼簿秦畧字簡

夫陵川人前登封令張效崔遵字懷祖燕人 答俊

書記學詩

七絕

卽清涼相弟子雋以上皆贈答詩趙辛

劉時皆在永甯

書生

七絕

詩更笑西山武明府兩孟

白粥半生忙

送登封張令

名效字景  
賢雲中人

西上

五律

此皆

登封詩二令不知誰先後 贈眼醫武濟川七絕 賦

粹中師竹拂子七絕 題伊陽楊氏戲虎圖七絕 放言

五古 自題寫真二首七絕 再題七絕 詩山鹿野麋君自

看更從何處着貂蟬此皆題賦寓懷之詩均在未遇

之前 驅豬行雜言 註黃臺張氏莊作即綽涼者 詩旱乾水

溢年年日亦是居崧時

四年庚辰

三十一歲 寄趙宜之雜言 註時在盧氏詩自我來崧

前乾旱歲相仍又云三年西去心籠禽念飛騰 太

廣元遺山年譜卷上

三

室同希顏賦

五律

同希顏再登箕山

五古

詩是時夏春

交 六月與趙郡李獻能太原王渥同游玉華谷憩

少姨廟周行堂廡得古仙人詞於壁間其首直屋漏

漫剝不可辨乃登木石而上拂拭汎滌迫視久之乃

可完讀

翁譜未註所出中州集王渥詩註與希顏獻能同游則翁尙漏

按是年無王

仲澤唱和之詩又金史希顏傳云尋遷東阿令轉徐

州觀察判官興定末召爲英王府文學記室參軍轉

應奉文字拜監察御史其另提興定末者疑希顏在

徐州嘗罷任來游明年見召西臺復內召也自以本



集爲據玉華谷在洛陽

虎害

雜言。詩註云時有虎害則在洛陽者史

稱元光二年則在開封

同希顏欽叔玉華谷二首

七絕

同希

顏欽叔玉華谷還會善寺二首

七絕

會善寺

七律

西

園詩

七古

註興定庚辰八月中作

西園有三此在汴京至紀子正杏園亦名

西園則在冠氏趙吉甫西園在洛陽

太原貢士南京狀元樓題名引

今年預秋賦者百人

超化

七絕

詩却恨大梁三日醉

不來超化作重陽

秋七月東平嚴實以彰德大名

磁洛恩博滑洛等州歸蒙古

實字武叔長清人事見墓碑仕元中統二年贈

魯國公諡武惠元史有傳

冬同知集慶軍節度使馮璧致仕歸

崧山

壁字叔獻真定人見內翰馮公碑金史有傳

短日

五律詩五年朝與

夕清血幾沾襟

是年夏至洛陽秋赴汴京試不遇

復回登封

附錄

北邙山

五古

九月夢中作續以後二句

雜言詩

楊柳青青洛陽陌

追錄舊詩二首

七律

首註自用韻

答張之純

即仲經

次註用崔懷祖韻皆未遇詩按張詩

有十年句指己巳試秦詩應在戊寅而趙宜之次韻

卽此塵字則再用此韻寄趙也又崔詩是送官內鄉

而此詩不類豈崔前曾用此韻耶

總附 先生至洛不一凡洛中之詩并附 王子文

琴齋絕七案歸潛志王或洛水人南渡為省椽一旦人

崧山為頭陀後忽歸妻死更娶為洛陽行省參議詩

有求凰句應在洛時施箋送李參軍北上雜言參軍名麟見

友山堂記詩去年洛陽人 洛陽高少府瀍陽後菴五首

五絕追錄洛中舊作七律

五年辛巳

三十二歲 家山歸夢圖三首七絕李平甫畫詩別却并

州已六年 金史宣宗紀三月乙亥省試 楊叔能

名宏道小亭集序興定末與予會於京師遂見禮部閑

開公及楊吏部之美閑閑公贊又五年乃得以科

第出公之門興定初言郝碣登興定五年進士

第不就選採花詞五首樂府登第之作蟾池七指

近侍局也史詳於是年追用座主閑閑公韻上馮

內翰二首七律緱山置酒五古註同內翰馮丈叔獻雷

兄希顏賦緱山屬河南府偃師縣送希顏赴召西

臺兼簡李汾長源雜言詩云昨日游崧邱今日西臺行

此是長安西臺故簡長源末句云長安城上見李白

時長源在關中也 聞希顏得英王府記室五律送

欽叔內翰兼寄劉達卿名光謙潘川人郎中白文舉編修見下

五首五古此歸崧山後作送其歸省也詩云君年始三

十按中州集小傳云欽與京少子二歲 是年春赴

汴京試登進士第不就選歸登封與馮雷游崧山

附錄 王子端內翰山水同屏山賦二首五律○屏山名純甫

字之純襄陰人貞祐末官至右司郎中時已罷任金史文藝傳右司正之王特起崞縣人

家千畝圖二首七絕

辨正 案希顏墓銘及金史本傳皆無赴召西臺之

事大抵方赴召往西又卽召爲英府記室故史不敘  
也得此亦可補其缺

元光元年壬午

三十三歲 寄溪南詩老辛愿敬之七古詩五年不喚

溪南渡自戊寅遷居登封至此五年 校笠澤叢書

記元光問應詞科買於相國寺中 中州集辛愿小

傳元光初予與欽叔在孟津敬之自女儿來爲之留

連數日 鴻溝同欽叔賦七古 楚漢爭戰處同欽叔

賦七律 孟州夾灘飲承之御史家五律註同欽叔作詩

云干戈有此宵按金史是年夏四月元兵攻陵川五

月元兵屯隰吉翼等州干戈尙近也 懷叔能七律詩

別却楊侯又一年西風每至輒淒然 是年至孟津

復歸登封

附錄 雪中自洛陽歸崧山七古 贈汴禪師五律按中

州集馮壁小傳云元光間與元雷游崧少汴公方事

參訪輒賦詩卽此時事按史雷已赴召與此不合詩

有馮無雷則史爲長

存疑 按校笠澤叢書記則元光之應詞科當在是

廣元遺山年譜

卷上

三

年然此亦大畧之詞不過因應詞科而買書耳至明年癸未赴召後年甲申諸公之貢乃真應也相國寺不知在洛陽在汴存疑於此

二年癸未十一月宣宗崩子守緒立

三十四歲 少林葯局記興定末東林隆住少林今

三年矣當作於是年 寄希顏二首

律七

註云後一首

徐州時作當在庚辰之前第一首云僵臥崧邱七見春丙子南渡自丁丑至此凡七見春也次句商餘指昆陽田 教授常君墓銘元光癸未予過鄆城見麻



知幾問其友以仲明及中山趙君玉對北渡後來鎮

陽仲明在焉

隱亭同麻知幾賦

七律

隱亭

五古

詩春

日已清美

麥歎

五古

詩四月草不青吾苗良漫投又

云如何落吾手羊年變雞猴雞猴申酉也史記貨殖

傳木穰金饑歎其無年 葉縣中岳廟記癸未之夏

予過昆陽

度太白嶺往昆陽

七律

詩悔隨塵土出青

山時已第也又云畏景方隆路方永是夏時 葉縣

雨中

七律

註時崧前旱尤甚

飲酒五首

五古

註襄城作

詩離官寸寸樂里社有拙言是不就選後來此別業

也 昆陽二首七律詩去日黃華半未開南來忽復見

寒梅是秋回冬再至 黃金行樂府詩王郎少年詩境

新又云昆陽城下三更酒按中州集王郎爲王鬱飛

伯 曹徵君珏表其後見於方城介於太原王仲澤

乃定交王時從斜烈是年劉景元卒墓銘云明年諸公

將薦試詞科而病不起矣 是年至郾城夏往昆陽

秋回冬又往昆陽

附錄 後飲酒五首五古註陽翟此卽汜南地先生亦

有營耕卽麥歎詩是也詩中有我夢漆南川句卽此地或由昆陽回

至此當附是年詩中田紫芝名德秀涪洲人 拙菴

爲溫甫賦

絕七

案歸潛志移刺買奴字溫甫號拙軒先

子令葉屈子爲拙軒銘

施箋

又郭明府碑有李澤州溫

甫則在永甯

辨正 郝碣云爲箕山琴臺諸詩禮部閑閑公見之

以爲少陵後無此作也以書招之此亦總前後之詞

其實在是年興福禪院記云予赴召京師通與顯偕

智進來謁文以記以趨裝未暇也其後得官東南云

云以是推之蓋貢詞科是閑閑之意故先以書招之

而明年至汴始貢也貢不必有召命亦約略之詞耳

哀宗正大元年甲申

三十五歲 藏雲袁君墓表正大甲申朔方兵畧蒲

鮮當作解

秦王露布註正大元年五月應詞科 閑

閑公贊公謂當有所成就也力爲挽之獎借過當旁  
有不平者宰相師仲安班列中倡言謂公與楊戶部  
之美雷御史希顏李內翰欽叔爲元氏黨人正大甲  
申諸公貢某詞科公爲監試以例不赴院宿一日坐  
禮曹欽叔從外至誦某秦王破寶建德降王世充露

布

是年應詞科程文首卽鐵券行引及此篇今存集中餘光中武興頌大司農箴二篇已亡公頗

爲聳動顧座客陳司諫正叔

名規稷山人金史有傳

曰人言我

黨元氏誠黨之耶

劉祁歸潛志云正大初先子入

翰林又云正大初趙閑閑長翰院同陳正叔常仲明

雷希顏元裕之諸人作詩會

翁譜

太原昭禪師語錄

引正大初予在史館

贈答楊煥然

五古

按墓碑云名

奐乾州人正大初將上萬言策知直道不容卽日出

國門而西當在是年後入元爲廉訪使諡文憲元史

有傳

帝城二首

七律

註史院夜直作詩日月難淹京

國久又云預遣兒書報歸日時方秋已作歸計 閨

商卿還山中

七古

詩阿卿去月從我來今日西山成獨

往

汴梁除夜

七律

是年趙秉文轉翰林學士修國

史

翁譜

是年春至汴京試詞科獲雋授權國史館編

修官留汴京

附錄

贈答劉雲卿

名從益渾源人劉祁京叔之父金史文藝傳

四首

五古

雙峰競秀圖爲參政楊侍郎賦

七古○楊名叔玉承安五年進士官

至戶部侍郎參政見墓碑

野菊座主閑閑公命作

七律

野菊再

奉座主閑閑公命作

七律

燕府白兔

七律

按哀宗紀正

大元年正月邠州貢白兔卽此年

懸水

五古

註問鄧

城張伯玉訃音作伯玉死當在是二三年間并附

從希顏覓薦耨香二首

七絕

雜著九首

七絕

此借古事

以傷金之失應在汴作附此

滄浪圖

七絕續編

詩而今

塵滿西風扇

存疑

感事

七律

詩舐痔歸來位望尊駸駸雷李入平

吞箋註指師仲安事恐未必

二年乙酉

三十六歲

京都元夕

七絕

李道人崧陽歸隱圖

五古

詩愧我出山來京塵滿征衣春風四十日夢與孤雲

飛西園

七絕

杏花雜詩十三首

七絕

詩西園春物知

多少

鄭州上致政賈右丞相公

七律○賈名益謙金史有傳

註

時被命就公訪先朝遺事此衛紹王事也詳東平賈

氏千秋錄後記

僕射陂醉歸卽事

七律

陂屬鄭州以

北魏李冲得名見玉堂閒話

施箋

按金史賈益謙傳此

事併於興定五年殊無眉目集中賈氏千秋錄有哀

宗卽位云云疑在去年及觀此詩作於春乃知在是

年也詩有裨於史如此

寄欽用

七律○名獻甫獻能從弟先生同年



時爲長安令  
金史有傳詩憔悴京華首藉盤南山歸興夜漫漫

黃筌龜藏六圖爲張右丞

名行信原名行忠七日照人金史有傳賦絕

題張左丞家范寬秋山橫幅

王詩崧邱動歸興突

兀青在眼 吏部掾屬題名記正大二年五月權國

史館編修官元某記

警巡院解署記同

出京

五古

註史院得

告歸崧山寺下

杜子學引乙酉之夏予自京師還

居崧山六月十一日

乙酉六月十一日雨

五古詩一

旱近兩月河洛東連淮

劉景元墓銘正大乙酉予

自京師來哭其墓

是年春在汴奉命往鄭州事畢

回汴六月還登封

附錄

寄王丈德新二首

五律

註時在汝州詩只應歌

笑處偏欠李鄜州此德新常同欽叔在孟津今欽叔

赴鄜州幕也金史李獻能傳貞祐三年進士第一

在翰苑十年出爲鄜州觀察判官應在是年 芳華

怨

樂府

歸潛志云元嘗權編修官時末帝召僕散阿海

女入宮俄而放出元因賦金谷怨樂府卽此詩

施箋

辨正

按翁譜引木菴詩序乙酉冬十月予將還太

原此本集刻錯而翁未考也上段云近年七夕詩予

爲之擊節惜楊趙不及見也云云若在是年則楊趙固未死蓋此是丁酉先生由冠氏回太原道中所作丁誤刻乙翁率據而編之也是時太原已屬蒙古何處歸耶

三年丙戌

三十七歲 良佐鏡銘丙戌夏四月予過汜南鄆城張良佐請銘 按集中出鄧州詩云六年留滯鄧州城自辛卯離鄧入京逆溯至此纔足六年則常從商帥於鄧州復辭從軍而回也附詩於後行蹤自見

過翠屏口律詩事外閒身也屬官是夏往商時詩

中秋雨夕律註商帥國器完顏色撝默箋作斜烈名鼎時鎮商州金史附陳和

尚筵中作 丹霞下院同仲澤鼎玉王賦律註時從

商帥軍至南陽 卽事律註商帥國器見免從軍詩

末聯云到家慈母應相問為說將軍禮數寬時尙有

母 留別仲澤律詩綠水紅蓮慚大府清泉白石識

初心 答弋唐佐五律續編註魯山人有志讀書按送唐

佐還平陽詩云我從商餘之山過龕羅聞君六經百

家富研摩卽此時也龕羅在寶豐此是由商帥幕回

與從商餘句合一聞王仲澤丁內艱七絕詩升堂未幾

訃音聞除夜七律詩夢寐衡茅在澗阿時在洛陽度

歲也又云折腰真有陶潛興扣角空傳甯戚歌三十

七年今日過可憐出處兩蹉跎求仕不仕全盤託出

上數詩瞭然矣是年夏至汜南復赴商帥召由商

州至南陽辭免歸登封復至洛陽

附錄豐山懷古五古十日登豐山七律示姪孫伯

安五古風柳歸牛圖七絕續編詩枉將書策課兒童

四年丁亥是年七月蒙古主鐵木真殂子拖雷監國

三十八歲

示懷祖

七律

詩憔悴經年臥澗阿又乘閒

便作歸田賦付與兒童扣角歌

出山

七律

詩升斗微

官亦強顏

長慶新泉記鄧之西百里而遠是爲內

鄉東鄙有山焉其麓二泉正大丁亥予承乏是邑夏

五月赤旱近百日子率父老詣焉車轍未旋而澍雨

浹九日讀書山詩云我在正大初作吏浙江邊山

城官事少日放浙江船

浙當作漸

張仲經

名澄昭水人

詩集

序仲經龍山貴族客永甯永甯有趙宜之辛敬之劉

景元皆天下之選而仲經師友之及予官西南偕杜

仲梁麻信之高信卿康仲甯就予內鄉

杜名仁傑濟南長清人入

元不仕以子元素貴贈翰林承旨諡文穆麻名革虔鄉人入元不仕隱河汾高名永盤陽人貞祐被兵南渡正大壬辰卒時內翰劉光甫方解鄧州倅相從文於汴康名國

字劉名祖謙安邑人召入翰林北渡死於兵

乙卯追錄內鄉一詩

七絕

宿菊潭

五古初到任詩

自菊潭丹水還寄崧前故人

七律

劉光甫內鄉新居

七律

半山亭招仲梁飲

七古

和仲梁

五律

西齋夜宴

七律

註叔能信之張杜皆在而

麟之獨不至麟之姓游鳳翔錄事

去歲君遠游送

杜仲梁出山

雜言

詩憶初識子梁王臺指乙酉在汴時

也三年一夢南陽道指是年鄧州大帥時爲移刺瑛  
字廷玉 倫鎮道中書所見七絕詩一紙除書誤半生

內鄉縣齋書事七律

墳雲墓銘在南陽

正大三年示

寂明年劉光甫托予銘其墓 是年始官內鄉令移

家內鄉

附錄 先生居內鄉凡三年詩附此 留別龍興汴

禪師普照鑒禪師

七律

詩十年不見木菴師在崧山時

英上人已是寄詩則戊寅遷崧卽不相見至此十年

此或遷家時留別也

贈湛澄之四章

七絕

寄西溪



相禪師七律詩一官元不校貧多西溪住少室之清涼

懷粹中

五律

寄贈龐漢茂宏

五律

龐漢平晉人待次

內鄉北山兵亂遇害 段志堅畫龍爲劉鄧州光甫

賦

雜言

劉鄧州家聚鴨圖

七絕

自題寫真

七絕

詩一綫

微官誤半生

硤口食鰯魚有感

七絕

得緯文兄書

五絕詩山城誰與娛應在內鄉時緯文張緯太原陽曲

人

五年戊子

三十九歲

長壽山居元夕

七絕

詩三十九年何限事

時新齋未成不過山居耳 戊子正月晦日內鄉西

城游眺七絕 馬鄧驛中大雨七律 阻雨張主簿草堂

五古 張名偉 張主簿草堂賦大雨七律 觀浙江漲五古 註

時拜大赦五日矣金史哀宗紀五年六月旱赦雜犯

死囚以下當在是年 記夢七絕 戊子七月二十四日

內鄉往盧氏宿走馬平夜夢拜天帝像觀法駕最前

負弩三人中有金書小字題裕之者夢中不知其為

予也 鵲雀崖北龍潭五古 張太君葬盧氏西南 熊耳嶺二詩當是往葬時

在盧氏道中 八月七日翰林學士楊雲翼卒年五

十八神道碑云公文章與閑閑齊名世號楊趙楊

之美尙書挽章

七律

內相楊文獻哀挽三章

七絕二詩

重見且書銜不同不知何故行齋賦序冬十月長

壽新居成仲經張君從予卜鄰

長壽新居三首

五律

註同張仲經賦丁河南縣太君張氏艱是年仍

居內鄉中以事往盧氏

附錄

贈鶯

五古

詩山城無與樂好鳥亦求侶

內鄉

雜詩

五絕

內鄉雜詩

七絕

春歸

七絕

別程女

七律

按程

女是年二十當是嫁時

贈高信卿

雜言

詩高卿去歲

山中居指內鄉山居今年移家入城市亦內鄉也此  
信卿往汴之送 題吳子英 遼東人 家靈照圖二首 七絕  
註時女巖在廬氏約歸甯未至

辨正 按翁譜云嘗得先生湧金亭石刻後題云已  
酉清明日崧陽王贊立石按詩卽在正大戊子冬罷  
內鄉時其云已酉後來補刻耳云云此段大謬蓋誤  
以半山亭爲湧金亭而不知地理之外也按河南志  
湧金亭在百泉亭東有蘇軾書蘇門山湧金亭六字  
本詩云湧金亭下百泉水又集中望蘇門詩湧金亭

上秋如畫此皆在蘇門之的証縱不考書亦當考詩  
乃以河南內鄉之半山亭混於河北蘇門之湧金亭  
地理懸殊何能考古耶夫輿圖不昧然後行蹤可得  
今亟爲是正非好駁古人以自炫也湧金亭詩另詳  
於後

六年己丑

是年秋蒙古窩濶台卽位是爲太宗元年

四十歲 東坡詩雅引正大己丑書於內鄉劉光甫

之東齋

春日半山亭游眺

七律

新齋賦序予旣罷

內鄉出居縣東南之白鹿原結茅菊水之上名所居

日新齋賦云竟四十而無聞按此則翁譜謂罷於去

年冬者亦謬

鎮平書事

七絕

鎮平縣齋感懷

七律

四十頭顱半白生時將罷任

鎮平寄姪孫伯安筆

七絕

長慶新泉記

在內鄉

正大己丑九月

自鎮平暫

往秋林道中寄家

七絕

罷任作按此又一別業

秋林在內鄉北

先生之經營亦數矣

從鄧相公覓酒

七絕

註時在鎮

平案詩是冬作時由秋林回

此日不足惜

七古

十豈不知頭顱中間騎鯨李指屏山紫髯郎指張伯

玉時皆已故

阿千始生

五律。卽南冠錄所引云伯男子叔儀郝誌所云長

曰捐詩四十舉兒子 是年罷內鄉任攝鎮平篆復者也

罷任移家秋林冬回鎮平

附錄 李屏山挽章二首七律按金史本傳云正大末

卒於汴然此日不足惜詩已有黃墟之語則末者不

必定在八年也箋註以騎鯨李爲長源則此時固未

死 范寬秦川圖七古註張伯玉名穀許州人歿後同麻知

幾賦又詩註予七年前過鄆城按過鄆城在癸未詩

當在是年 劉丈仲通哀挽七律詩拙宦深辜遠業期

當在初罷官時 夜雪七絕詩夢裏嬌兒索乳聲指阿

廣元遺山年譜卷上

三

千 王右丞雪霽捕魚圖

七古詩白頭歲月黃塵底此

亦在官時詩附此

七年庚寅

四十一歲 竹林禪院記

院在永甯

正大庚辰

當作寅

予閒

居空空四月望日前內鄉令元某記據此則去年鎮

平乃是攝篆

寄女嚴三首

七絕

註時嚴在盧氏次首

添丁學語指阿千

被檄赴鄧州府幕府

七律

鄧州

相公命賦喜雨

七律

新野劉先主廟次鄧帥韻

七律新

野屬鄧州穰城縣

月觀追和鄧州相公席上韻

五律



巨然秋山圖爲鄧州相公賦

六言

鄧州城樓

七古

謝鄧州帥免從事之辟

七律

此丁張太君艱未終喪也

詩三載素冠容有愧上二年尙在官未守三年制也

一時墨經果何心言去官卽當守制未可更出也郝

碣初筮仕除鎮平令再轉內鄉丁艱憂終喪此於仕

途有錯然丁艱在是時自是一大事翁駁郝而此并

抹之外矣明年就官南陽蓋已起復則先生丁艱當

在戊子

五松平

五古

石門

七律

按石門有四此及送

仲梁詩在鄧州黃榆嶺及馬嶺詩在端氏岳祠詩在

北岳游龍山詩在龍山

獨峰楊氏幽居

七律

曉發

石門渡湍水渡中

五古

渡湍水

七律

以上五詩皆不仕

意是由鄧州回內鄉道中作

自鄧州幕府暫歸秋

林

七絕

是年春赴鄧州辟不就秋歸秋林

附錄

送吳子英之官東橋

七律

兼爲解嘲

按金史

地志南京路鄧州縣南陽

有豐山

內鄉

有菊水

鎮一

硤口

無鎮平元史南陽府舊以縣屬鄧州元至元八年升

爲府縣南陽鎮平是鎮平南陽內鄉皆屬鄧州而金

史失之也附此備考

辨正 興福禪院記正大庚辰辰字是寅字之訛正  
大無庚辰

八年辛卯

四十二歲 妻張縣君卒孝女阿秀墓銘云生於己

卯年十三子爲南陽令其母張病歿 華元寂大士

銘辛卯夏四月 寄劉光甫 七律續編 鄧州新倉記經

始於正大六年成於八年四月十三日南陽令武騎

尉賜緋魚袋元某記 南陽縣題名記亦在是年 金史哀宗紀八

年正月元兵圍鳳翔四月平鳳翔 岐陽三首 七律 卽

鳳翔府 宛邱歎七古 註辛卯七月農司檄予按秦陽

陂田 出鄧州七絕 詩六年留滯鄧州城 京居辛卯

八月作七律 懷秋林別業七絕 翰林修撰雷希顏卒

年四十八希顏墓銘八月二十三日暴卒後二日葬

好問與太原王仲澤往哭之十月北兵由漢中路襲

荆襄京師戒嚴 希顏挽詩五首七絕 過希顏故居

四首七絕 京兆漕司官居三首五律 同漕司諸人賦

紅梨花二首七絕 贊皇郡太君誌李獻甫母 正大辛卯冬

十一月渾源劉祁至汴翁譜 是年起服遷南陽令

八月內召擢尙書省令史移家汴京

附錄 洛陽衛良臣以星圖見貺漫賦三詩爲謝

七絕

詩鰥鰥魚目漫漫夜盼到明星却老人是悼亡之作

寄辛老子

七律

詩悔將猿鶴入京華 題省椽劉德

潤家驂鸞圖

七絕

詩腸斷青鸞獨自飛亦悼亡意 聞

欽叔在華下

七古

史在正大末 送窮

七絕

詩不如留取

窮新婦貴女何曾喚得來

天興元年壬辰

正大九年正月改元開  
興四月又改元天興

正月蒙古遣其

將速不臺圍金汴京曹王出質四月蒙古退軍河洛

十二月汴京糧盡援絕哀宗出奔河北速不臺復圍

汴

四十三歲 族祖處士銘開興壬辰 郝碣天興初

入翰林知制誥 金史本傳云天興初擢尙書省椽

頃之除左司都事

此連上年言實本年除左司也

又云今所存者有

壬辰雜編若干卷

第三女阿秀卒墓銘云明年

上

年爲南陽令言此指本年

得疾於汴梁壬辰三月朔死

南冠錄

引從仕十年

不及十年此自壬午登第後大概言之

又云京城之閭子

爲東曹都事知舟師有東狩之役言於諸相請以小

字善國史一本隨車駕所在以一馬負之時相雖以爲  
然而不及行學東坡移居詩云壬辰困重圍閑  
閑公贊壬辰冬某以東曹掾知雜權都司取行止卷  
觀之見公獨銜及楊雷猥相薦引者十七章范陽  
張公先德碑予在大梁承乏左曹都事壬辰之圍外  
援阻絕或言宿州節度宗室眾僧奴之幕客張子良  
字漢臣范陽人入元官至大名路總管贈清河侯元史有傳  
賁奏至者卽日召對

書詔誥凡繫之左曹者予得與聞之內翰馮公碑

往在京師渾源雷淵

希顏

太原王渥

仲澤

河中李獻能

欽叔

龍山冀禹錫

字京父龍山人金史附官奴傳

從公問學而好問在焉

又中州集小傳云在京師時希顏仲澤欽叔京父相

得甚懽希長子六歲澤長子十歲欽與京少子二歲

希歿於正大辛卯之八月

見上年

年四十八澤歿於明

年

即此年壬辰從色  
堦入授兵敗死之

之七月年四十七欽歿於其年

亦此

之十一月

時官陝西行省左右  
司郎中陝亂見殺

年四十一京又

歿於明年

指下年  
癸巳

之三月年四十二不三四年五人

者惟不肖在耳

五月十二日密國公完顏璫薨

號樗

軒有如菴集  
越王之孫

年六十一

如菴  
序

五月十二日翰林學



士趙秉文卒年七十四墓碑贈鎮南節度使良佐陳和

尚金史忠義傳碑天興元年六月宰相以東曹掾吏部主事

元某應詔圍城中文舉見過七律。文舉張特立曹州東明人嘗爲御

史罷任人元世祖受王印賜號中庸先生元史隱逸傳讀靖康僉言七律詩三

百年來幾降虜長星不用出光芒雨後丹鳳樓登

眺七律金史地志都城北門爲丹鳳門其門三壬辰

十二月車駕東狩後卽事五首七律是年除左司都

事知雜在汴被圍

附錄浩然師出圍城賦鶴詩爲送七律

辨正 按翁譜壽陽縣學碑陰記壬辰之冬薄游燕  
趙齊魯間迹益窮文益奇名益大振每一篇出京師  
爲之紙貴故所至以異人目之云云此段真是嚙語  
夫以廟社倉皇國君出走職司制誥固無輕去其國  
之理且是時河北山東皆爲敵有金主渡河而北攻  
衛不克復渡河而南大兵所至尙不能進而書生車  
馬遂能飛渡此豈理之可信且旣去又何以能回也  
今考壽陽學記作於甲辰其上年曾游燕趙又上至  
辛丑則客於東平此固總其大略言之而壬辰二字

乃其舛錯否則一冬何能遍游耶採之無識本不足辨恐誤後生故復贅於此

二年癸巳正月丙午朔哀宗濟河使完顏拜牲攻衛州

大敗哀宗走歸德戊辰

二十三日

西面元帥崔立作亂殺

參知政事完顏奴申樞密副使完顏斜捻阿不立衛王子從恪爲梁王監國以汴城降蒙古

四十四歲 聶孝女誌壬辰之冬車駕東狩明年正

月二十三日崔立反 金史哀宗紀戊辰西面元帥

崔立與其黨舉兵爲亂立衛王子從恪爲梁王監國

以尙書省掾元好問爲左右司員外郎 按甘露碑

事爲先生終身之恨蓋由劉京叔盡誘過也翁譜辨之不遺餘力可稱元氏功臣茲不復議但就本集所

載者著之以俟論定 內翰王公墓表

名若虛字從之藁城人見

金史文藝傳

天興初冬十二月車駕東狩明年春正月西

面元帥崔立刦殺宰相送款行營羣小請爲立建功德碑以都堂命召公爲文時翟奕輩恃勢作威少忤則立見屠滅公自分必死私謂好問言今召我作碑不從則死從之則名節掃地不若死之爲愈也雖然

我姑以理論之乃謂奕輩言丞相功德碑當指何事  
奕輩怒曰丞相以京城降城中百萬皆有生路非功  
德乎公又言學士代王言功德碑謂之代王言可乎  
且丞相既以城降則朝官皆出丞相之門自古豈有  
門下人爲主帥頌功德而爲後人所信者辭意閒暇  
翟奕等不能奪竟脇太學生此指劉祁麻革托以城中父老  
意而爲之 外家別業上梁文遺山道人蟬蠹書癡  
雞蟲祿薄猥以勃窣槃跚之迹仕於存亡危急之秋  
左曹之斗食未遷東道之戈船已御久矣公私之俱

罄困於春夏之長圍窮甚折骸死惟束手人望荆兄

名守純金史作英卽閻希顏得英王府記室者此議見金史白華傳之通好事均紀季

之附庸

此述圍城之危急

涕出而女於吳莫追於既往下車

而封之杞有待於方來謀則僉同義當孰抗爰自上

書宰相所謂試微軀於萬仞不測之淵卽當喋血京

師亦嘗保百族於羣盜垂涎之口皇天后土實聞存

趙之謀槁木死灰無復哭秦之淚

此言已意亦欲降以全妃后

初

一軍構亂羣小歸功却太學之名流文鄭人

崔立封鄭王

之逆節命由威制佞豈願爲就磨甘露御書之碑細

刻錦溪書叟之筆蜀家降表猶存李昊之世脩趙王

禪文何與陸機之手迹

原註文選謝平原內史表。此言太學生所爲無預已事

伊誰受賞於我嫁名悼同聲同氣之間有無罪無辜

之謗耿孤懷之自信聽眾口之合攻果吮癰舐痔之

自甘雖竄海投山其何恨惟彼證龜而作鼃始於養

虺而成蛇追韓之騎甫還射羿之弓隨穀

原註予北渡之初獻

書中書令君請以一寺觀所費養天下名士造謗二三亦書中枚舉類也。此言劉祁造謗事以流

言之自止知神理之可憑復齒編氓僅延殘喘澤畔

而湘纍已老樓觀而楚望何窮 遽然子墓銘

趙滋字濟

甫汴人天下愛予者三人李汾長源辛愿敬之李獻甫

欽用然長源瘐死西山獄中敬之則被掠而北爲非類所困折死於山陽欽用從死淮西年未四十也按三人金史皆有傳而汾愿死無年月汾依武仙仙與色埒異同懼汾欲除之遁泌陽爲總帥王德所獲絕食死色埒去年已與仙分而仙本年爲宋敗明年走死澤州則汾當死於去年又元史壬辰春先下洛西則愿之被掠而死亦是去年也獻甫見下年俳體雪香亭雜詠十五首

七絕

註亭在故汴宮仁安殿西按



此詩當作於未喋血之前而注則後來所補也第四  
首云批奏內人輪上苑去年名姓在窗間明指壬辰  
他如爲向杏園雙燕道營巢何處過明年重來未必  
春風在更爲梨花住少時明日天山山下路不須回  
首望都門此時已知旦夕不保早作行計 李仲華  
湍流高樹圖詩自註癸丑正月之變逆黨中有欲謀  
害已者賴仲華營救得釋 雜著四首

七絕

詩雪香亭

上清明宴記得君王去歲時此在降城作時宮人有  
從虜者 寄耶律公書

名楚材金相履之季子仕元官至中書令至順元年追贈

月方通上全言  
太師諡文正  
元史有傳

癸巳四月二十二日 癸巳四月二十

九日出京

七律

詩興亡誰識天公意留取青城閱古今

註國初取宋於青城

青城東五里名青城

受降

學東坡移居

詩云明年出青城

跟上壬辰言

五月三日北渡三首

七絕

五月十二閑閑公諱日作

七律

詩陸氏莊疏又一年

續小娘歌十首

七絕

詩傷心此日河平路千里荆榛

不見人言被掠之慘也金地志衛州河平軍是年六

月金主遷蔡詩云六月南風一萬里正此時事末首

力主扼河而痛遷蔡之失策極其沈痛

淮右

七律

宋州新事不堪論  
痛金主奔蔡之失計也  
宋州卽歸德輔車  
慢欲通吳會突騎誰  
當擣薊門不能禦元  
而欲侵宋不知二國已和矣  
語意極顯南冠行

雜註

癸巳秋爲曹得一作  
秋夜律詩九死餘生氣  
息存

蕭條門巷似荒村  
春雷漫說驚垣戶  
皎日何曾入覆盆  
濟水有情添別淚  
吳雲無夢寄歸魂  
百年世事兼身事  
樽酒何人與細論  
此亦指甘露碑然是至聊城

後作中州集引王辰子  
椽東曹馮內翰子駿延登

吉鄉人權刑部  
尙書見墓碑

劉鄧州光甫祖謙約予爲此集時京

城方受圍不暇及也明年留滯聊城金屬博州乃記憶前

輩及交游諸人之詩爲一編名曰中州集嗣有所得

當以甲乙丙丁次第之十月二十有二日十二月

六日二首五律第一首閨門隔九虎休續楚臣騷金遷

蔡尙未亡也次首聊城今夜月愁絕未歸人是此時

事 癸巳除夜五排詩猶屬出京年 是年三月行院

都事冀禹錫卒於歸德年四十二官奴之亂赴水死夏四

月崔立以梁王從恪荆王守純及宗室男女五百人

至青城皆及於難兩宮北遷據金史 六月金主奔蔡

蒙古塔爾齊

元史作罔之曰據綱

是年擢左右司員

外郎城降後挈家隨眾北渡羈管聊城

附錄

白屋

七律

詩有傷貧意與移居第四首意同當

是初至聊城時詩

曹得一扇頭言

三年甲午正月戊寅哀宗傳位於東面元帥承麟哀宗

自縊於幽蘭軒承麟爲亂兵所殺金亡

是歲爲宋理宗端平元年

即蒙古太宗之六年

四十五歲

紀子正杏園宴集

雜言

註甲午歲按園在

冠氏即冠氏詩所云西園紅艷杏園春者 聊城寒

食七絕

跋國朝名公書甲午三月十有三日 密公

寶章小集

七古

註甲午三月二十一日爲輔之書於聊

城至覺寺之寓齋

徐威卿

名世隆陳州西華人北渡依嚴實八元仕至山

東按察使元史有傳

相過留二十許日將往高唐同李輔之贈

別二首

七律

詩二年阻絕干戈地又云杏花樽酒記聊

城 校笠澤叢書後記甲午四月書於聊城寓居之

西窗 清真觀記歲甲午予自大梁羈管聊城六月

十六日記

南冠錄引歲甲午羈管聊城益之兒邈在

襄漢姪搏俘執之平陽伯男子叔儀姪孫伯安俱幼

伯安時隨先生予年四十五下有以八歲學詩今四十年矣

也乃手寫千秋錄一篇付文嚴以備遺忘文嚴二字恐有誤

以先世雜事附焉以行年雜事附焉以先朝雜事附

焉名曰南冠錄伯安叔儀以下乃至傳數十世常家

置一通喜李彥深濟南人過聊城七律詩闡城十月鬼

為鄰異地相逢白髮新即事七律詩為崔立作按金

史崔立傳是年六月為金故將李伯淵所誅梟其首

以祭哀宗或剖其心生噉之以屍挂樹上樹亦自拔

贈周良老七古詩我居聊城欲一載箋註作二載夢歸

七律詩憔悴南冠一楚囚歸心江漢日東流 秋夕律

詩頻年但覺貂裘敝萬古何曾馬角生寄食且依嚴

尹幕附書誰往鄧州城此時已依嚴實也鄧州城指

益之寄居襄漢 送仲希兼柬大方 七律續編仲希姓完

顏改元氏大方姓郭詩家亡國破此身留留滯聊城

又過秋 甲午除夜 七律詩甲子兩秋今日盡只將哀

淚灑吳天自金太祖收國元年乙未至此恰一百二

十年 是年正月鎮南軍節度使李獻甫死於蔡州

之難年四十 金史本傳 是年寓居聊城之至覺寺



附錄

看山

五古詩慘慘悲去國鬱鬱賦卜居不采西

山薇卽當葬江魚

懷益之兄

五律詩世故伊川歎鄉

情越客音天宜他日定陸已向來沈

幽蘭

樂府詩西

山高高空蕨薇露盤無人薦湘纍

贈休糧張鍊師

七古詩見說西山好薇蕨一枝青竹願隨君

西窗

七古

詩少年樂事總消歇此當卽聊城寓居之西窗 覓

神霄道士古銅爵

七古

神霄在聊城

宿神霄北菴夢

中作

七絕

送窮

七絕

詩送君君去欲何之

姨母隴西君

諱日作三首

七絕

詩一龕白骨黃河隔遙望梁門哭斷

腸

廣元遺山年譜卷上